



21886

III

Mag. St. Dr.

Habsburg

P

islands

Namowia Stanislawi Florida Pallas Lagelloniam

PANEG. et VITAE

Polon. Fol.

N^o. 786

Biblioteka Jagiellońska



stdr0004689



FLORIDA PALLAS IAGIELLONICA.

Perillustri & Admodum Rñdo. Dño. Dño.

M. STANISLAO MOGILNICKI,

Philosophiæ in Alma Academia Crac: Doctori, Præ-
posito Nieschouien: Ecclesiarum, Cathedralis
Vladislauien: & Collegiæ Wolborien.

CANONICO.

Vernos amœnitatum subijciens flores

D V M

In Peraugusto Diui IAGIELLONIS Lycæo

A

Clarissimo & Admodum Rñdo. Dño.

M. IOACHIMO, SPERONIO,

S. T. Doctore & Professore, Ecclesiarum Collegiatarum
ad Ædes Omnium SS. Præposito, & S. Floriani
Decano, Concionatore Mariano in Arce Cracouiensi,
Collegij Maioris Seniore Patre.

Post Licentiam Collatam.

In publico frequentissimorum & Doctissimorum Hospitum
confessu, Insignia Doctoratûs acciperet, & S. Th.
Doctor renunciaretur.

Per

S T A N I S L A V M N A M O W I C Z,

Artium & Philosophiæ Baccalaureum.

Debiti obsequij & Venerationis ergò

I N T R O D U C T A.

Anno Redemptionis Humanae, 1661. Die 17. Maij.

C R A C O V I Æ,

In Officina Vidua & Heredum Francisci Cesarij, S. R. M. Typographi.

Ad Perillustrem & Admodum
Reuerendum Dominum Doctorem,



VER à virendo non frustra nomen habet, **PER-**
ILLVSTRIS ET ADMODVM RE-
VERENDE DOMINE. Sensu quippe careret,
 quisquis amœnitatem illius, siue ab animo, siue à corpo-
 re, in omni vitæ Statu, alienam esse existimaret. Esto sanè; non sen-
 tiant eam sensus Rationalium, nonnè bruta, volucres, campi, syluæ,
 agri, medius fidius sine sensu, omnia virere loquuntur? O quam suaue
 ac iucundum, Parnassus Iagellonicus, ver adesse hodie sentit! Lo-
 quar an sileam? Quicquid ob virtutem & eruditionem virorem ex-
 hibet, ver meritò & est, & reliqua virefcere facit. Sicut in vere vio-
 læ, odorem suauissimum spargunt; ita in Noua Laurus accessione, dum
 nimirum Philosophica iuncta est Theologica, non modò virorem, sed
 etiam fructum datur cernere uberrimum. Est illa eruditionis, laboris,
 diligentia origo: est, hæc reconditoris Sapientia, virtutumq; velut
 fragrantissimorum flosculorum basis maturefcens. Illa (vt ad initium
 veris deliciores horti faciunt) sicut Illustriſſimorum & Reuerendiſſi-
 morum Episcoporum fauorem produxit: ita hæc eruditionis & vir-
 tutum, copiosissimos aque ac suauissimos, instar Lilij Candidissimi odo-
 res est datura. Non sic aut Hesperides aut Octavius, amœnitate hor-
 torum in verni temporis initio delectatus est, quemadmodum Cathe-
 dra VLADISLAVIENSIS hac viridi S. Th: Lauru, ador-
 natum amplectetur Doctorem. Spiret itaq; vtinam diutissime: Tuus
 Iste Perillustis & Admodum Reuerende Domine, vernantis aura ho-
 nos, ex eruditione doctrinam, ex virtutibus odorem humilitatis, &
 edificationis, velut ex floribus fragrantiam. Hoc mea Pallas IA-
 GELLONICA, hoc obsequij promptitudo, hoc debita veneratio,
 hoc pietatis deuotus cultus optat & vouet.

ODE

ODE DICOLOS TETRASTROPHOS.

DIVA quam veris reuehit serena
 Aura; quam solis niuæ quadrigæ
 Protrahunt nusquam remorante fræno
 Læta per arua
 Iam per Apricos satiata campos
 Thraciæ florum roseos Penates
 Gestiens linguas, tibi nunc amæna
 Carmina ludunt.
 Artium præles Zephyris in auras
 Explicans gratos oculis capillos
 Cui virent frondes generatur omnis
 Flos, & in herba,
 Te colunt Seres, Cilicesque campi
 Et tibi centum geminant odores
 Nunc tuos sparsis violis Rosisque
 Cinge capillos.
 Quos petunt flores Arabum per agros
 Dexteræ, vel ver refluit Sabæi
 Quot coloratis fruticum viretis
 Sole calescit.
 Hybla quot nutrit celebres Rosarum
 Purpuræ; Cyprus Paphique colles
 Quotque Hyacinthos refouet iocosis
 Vallibus Enna,
 Floridis ergo speciosa donis
 Prima tu præsis decus ô Dearum
 Atque vernantes Amaranthi odores
 Collige nobis,
 Fac tibi collem viridis theatri
 Huc decus confer nemoris, canensque
 Stringe prudenti Cytharæ sonoram
 Pollice chordam.
 Vt queat magno decorare plausu
 Hunc diem fausto remeans in altum
 Dignitas passu colit & sub Altra
 Quem celebrem fert.
 Ad Sacram MOGILNICIVS Palæstram
 Lechix; Doctor meliore voto
 Nascitur, cella ut inbar in Cathedra
 Luce refulget.
 Iure Musarum Theologus ore
 Dicitur Sacro prius in Minerarum
 Qui IAGIELLONIS domibus per artes
 Palladis iuit.
 Culmen ascendens retulit Coronas
 Quas dedit Pallas, geminando Laurum
 Artium fecit Sophiæque dignum.
 Musa Magistrum.
 Wladyslawi post hac Cathedram Lycæi
 Dum petit castas teneræ iuuentæ
 Imbuit mentes riguoque cæli
 Nectare potat.

Cumque iam tota sapiebat arte
Quam loquax libris schola concelebrat
Quam Plato scripsit docuitque Rhetor
Quintilianus.

Mox per argutos studij recessus
Labitur Sacri Themidis profundos
Explicat sensus, rudiumque mentes
Erudit altis.

Ipsa per totam Theologus arcem
Duxit ignaros homines, viasque
Arduas suavit Labyrinthi & arctos
Soluere nodos.

Hinc labor durus meritum per altos
Duxit applausu sociato honores
Vt suum ferret coleretque primum
Nieszawa Mystam.

Clerus ad Sacras pietatis aras
Vulbori fecit Patribus sacratis
Huncce Collegam, sociumque dignum
Ordine tanto.

Nuncque VLADISLAVIA destinatum
At sui traxit numerum Senatûs
Vt Cathedrali fieret coruscum
Lumen in axe.

Euge contextam facili Minerua
Sume Diuinæ manibus Coronam,
Palladis Sacros apicesque votis
Scande secundis.

Strauit electo Rosei coloris
Flore successum Dea, quæ paratum
Sumpsit ex herbis decus & viretum
Contulit in Te.

Inde fulgesces violæ colore
Dum refers mentem stabilem per omnes
Sortis anfractus, decoratus amplo
Floris amictu.

Namque Te virtus tegit explicata
Fronde, contextum gremio manere
In suo gaudet, tibi sic nitescit
Scena vireti.

Ergo iam felix maneat sacrique
Fluminis nectar liceat deserto
Ore prolatum per amœna CRACI
Fundere Rostra.

Nos id optamus, Patrij Penates
Quos soli prono genuere semper
Ad tuas laudes animo, quibus Tu.
Vive beatus.

Sub Felicissimis Auspicijs,

Magnifici, Clarissimi, Perillustris, & Admod. Reueren. Dni.

D. A D A M I, R O S C Z E W I C Z,

I. V. D. Ecclesiæ Cathedr: Crac: Canonici, Archidiaconi

SS. Omnium, Præpositi S. NICOLAI, &c.

Almæ Vniuersitatis Crac: Studij Generalis

R E C T O R I S

VIGILANTISSIMI.





